

**FRAMSELD REGLUGERÐ FRAMKVÆMDASTJÓRNARINNAR
(ESB) 2022/1518****2023/EES/8/27****frá 29. mars 2022****um breytingu á reglugerð Evrópuþingsins og ráðsins (EB) nr. 273/2004 og reglugerð ráðsins (EB) nr. 111/2005 að því er varðar að færa tiltekin forefni fíkniefna á skrá yfir skráð efni (*)**

FRAMKVÆMDASTJÓRN EVRÓPUSAMBANDSINS HEFUR,

með hliðsjón af sáttmálanum um starfshætti Evrópusambandsins,

með hliðsjón af reglugerð Evrópuþingsins og ráðsins (EB) nr. 273/2004 frá 11. febrúar 2004 um forefni ávana- og fíkniefna ⁽¹⁾, einkum 15. gr.,með hliðsjón af reglugerð ráðsins (EB) nr. 111/2005 frá 22. desember 2004 um reglur um vöktun viðskipta með forefni ávana- og fíkniefna milli Bandalagsins og þriðju landa ⁽²⁾, einkum 30. gr. a,*og að teknu tilliti til eftirfarandi:*

- 1) Í reglugerð (EB) nr. 273/2004 er mælt fyrir um ráðstafanir til að vakta viðskipti með forefni fíkniefna innan Sambandsins en reglugerð (EB) nr. 111/2005 gildir um viðskipti með forefni fíkniefna milli Sambandsins og þriðju landa. Í I. viðauka við reglugerð (EB) nr. 273/2004 og viðaukanum við reglugerð (EB) nr. 111/2005 eru skrár yfir skráð efni sem falla undir fjölda samræmdra aðgerða varðandi eftirlit og vöktun sem kveðið er á um í þessum reglugerðum.
- 2) Lögbær landsyfirvöld hafa tilkynnt um haldlagningu á etýlalfafenýlasetóasetati (EAPA) og metýl-3-oxó-2-(3,4-metýlendíoxýfenýl)bútanóati (MAMDPA) í tengslum við ólöglega framleiðslu á lyfjum sem innihalda ávana- eða fíkniefni.
- 3) Etýlalfafenýlasetóasetat er notað til að framleiða 1-fenýl-2-própanón (P-2-P), einnig þekkt sem bensýlmetýlketón (BMK). Bensýlmetýlketón er forefni amfetamíns og metamfetamíns.
- 4) Metýl-3-oxó-2-(3,4-metýlendíoxýfenýl)bútanóat (MAMDPA) er notað til að framleiða 3,4-metýlendíoxýfenýlprópan-2-ón (PMK) sem er á sama hátt forefni 3,4-metýlendíoxýmetamfetamíns (MDMA) sem er best þekkt undir nafninu alsæla (e. *ecstasy*).
- 5) Amfetamín, metamfetamín og MDMA eru nokkur af algengustu fíkniefnunum sem eru framleidd með ólöglegum hætti í Sambandinu. Þau hafa alvarlegar afleiðingar fyrir heilbrigði manna og valda alvarlegum félagslegum vandamálum og lýðheilsuvandamálum á sumum svæðum í Sambandinu.
- 6) Því ætti að skrá etýlalfafenýlasetóasetat og metýl-3-oxó-2-(3,4-metýlendíoxýfenýl)bútanóat á vettvangi Sambandsins til að styrkja eftirlit með þeim og vöktun.

(*) Þessi ESB-gerð birtist í Stjttíð. ESB L 236, 13.9.2022, bls. 1. Hennar var getið í ákvörðun sameiginlegu EES-nefndarinnar nr. 303/2022 frá 9. desember 2022 um breytingu á II. viðauka (Tæknilegar reglugerðir, staðlar, prófanir og vottun) við EES-samninginn (bíður birtingar).

(¹) Stjttíð. ESB L 47, 18.2.2004, bls. 1.

(²) Stjttíð. ESB L 22, 26.1.2005, bls. 1.

- 7) Skráðu efnunum, sem skráð eru í I. viðauka við reglugerð (EB) nr. 273/2004 og í viðaukanum við reglugerð (EB) nr. 111/2005, er skipt í flokka sem mismunandi aðgerðir gilda um til þess að ná hlutfallslegu jafnvægi á milli þeirrar ógnar sem stafar af hverju tilteknu efni og byrðar á lögmæta verslun. Ströngustu aðgerðirnar varðandi eftirlit og vöktun gilda um efni í 1. flokki.
- 8) Etylalfafenýlasetóasetat og metýl-3-oxó-2-(3,4-metýlendíoxýfenýl)bútanóat, sem forefni amfetamíns, metamfetamíns og MDMA, skapa verulega ógn fyrir félagslega heilsu og lýðheilsu í Sambandinu. Ekki er vitað um neina löglega framleiðslu á, viðskipti með eða notkun á þeim nema til rannsókna. Það að bæta þeim við í 1. flokk í I. viðauka við reglugerð (EB) nr. 273/2004 og í 1. flokk í viðaukanum við reglugerð (EB) nr. 111/2005 væru því fullnægjandi viðbrögð til að komast hjá notkun þeirra við ólöglega framleiðslu á lyfjum sem innihalda ávana- eða fíkniefni og á sama tíma myndi það ekki hafa í för með sér umtalsvert aukalegt stjórnsýsluálag fyrir rekstraraðila og lögbær yfirvöld í Sambandinu.
- 9) Því ætti að breyta reglugerðum (EB) nr. 273/2004 og (EB) nr. 111/2005 til samræmis við það.
- 10) Með reglugerðum (EB) nr. 273/2004 og (EB) nr. 111/2005 var tilteknum ákvæðum samnings Sameinuðu þjóðanna gegn ólöglegru verslun með fíkniefni og skynvilluefni, sem var gerður í Vín 20. desember 1988 ⁽³⁾ og samþykktur með ákvörðun ráðsins 90/611/EBE, komið sameiginlega í framkvæmd. Í ljósi hinna nánna, efnislegu tengsla milli þeirra valdheimilda sem er að finna í þessum reglugerðum þykir rétt að samþykkja breytingarnar með einni framseldri gerð.

SAMÞYKKT REGLUGERÐ ÞESSA:

1. gr.

Breytingar á reglugerð (EB) nr. 273/2004

Ákvæðum I. viðauka við reglugerð (EB) nr. 273/2004 er breytt í samræmi við I. viðauka við þessa reglugerð.

2. gr.

Breytingar á reglugerð (EB) nr. 111/2005

Viðaukanum við reglugerð (ESB) nr. 111/2005 er breytt í samræmi við II. viðauka við þessa reglugerð.

3. gr.

Gildistaka

Reglugerð þessi öðlast gildi á tuttugasta degi eftir að hún birtist í *Stjórnartíðindum Evrópusambandsins*.

Reglugerð þessi er bindandi í heild sinni og gildir í öllum aðildarríkjunum án frekari lögfestingar.

Gjört í Brussel 29. mars 2022.

Fyrir hönd framkvæmdastjórnarinnar,

Ursula VON DER LEYEN

forseti.

⁽³⁾ Ákvörðun ráðsins 90/611/EBE frá 22. október 1990 um ályktun, af hálfu Efnahagsbandalags Evrópu, í samningi Sameinuðu þjóðanna gegn ólöglegum viðskiptum með ávana- og fíkniefni (Stjtð. EB L 326, 24.11.1990, bls. 56).

I. VIÐAUKI

Í töflunni fyrir 1. flokk í I. viðauka við reglugerð (EB) nr. 273/2004 er eftirfarandi færslum bætt við í skrána yfir efni á viðeigandi stað í röð eftir SN-númerinu:

Efni	SN-heiti (ef annað)	SN-númer	CAS-nr.
„etýlalfafenýlasetóasetat (EAPA) (*)		úr 2918 30 00	5413-05-8
metýl-3-oxó-2-(3,4-metýlendíoxý-fenýl)bútanóat (MAMDPA) (**)	metýl-3-oxó-2-(3,4-metýlendíoxý-fenýl)bútanóat	úr 2932 99 00	1369021-80-6

(*) Einnig þekkt sem etýl-3-oxó-2- fenýlbútanóat samkvæmt Alþjóðasamtökunum um hreina og hagnýta efnafræði (IUPAC).

(**) Einnig þekkt sem metýl-2-(2H-1,3-bensodíoxól-5-ýl)-3-oxóbútanóat samkvæmt Alþjóðasamtökunum um hreina og hagnýta efnafræði.“

II. VIÐAUKI

Í töflunni fyrir 1. flokk í viðaukanum við reglugerð (EB) nr. 111/2005 er eftirfarandi færslum bætt við í skrána yfir efni á viðeigandi stað í röð eftir SN-númerinu:

Efni	SN-heiti (ef annað)	SN-númer	CAS-nr.
„etýlalfafenýlasetóasetat (EAPA) (*)		úr 2918 30 00	5413-05-8
metýl-3-oxó-2-(3,4-metýlendíoxý-fenýl)bútanóat (MAMDPA) (**)	metýl-3-oxó-2-(3,4-metýlendíoxý-fenýl)bútanóat	úr 2932 99 00	1369021-80-6

(*) Einnig þekkt sem etýl-3-oxó-2- fenýlbútanóat samkvæmt Alþjóðasamtökunum um hreina og hagnýta efnafræði (IUPAC).

(**) Einnig þekkt sem metýl-2-(2H-1,3-bensodíoxól-5-ýl)-3-oxóbútanóat samkvæmt Alþjóðasamtökunum um hreina og hagnýta efnafræði.“